

Kalaallit Nunaanni Namminersorneq pillugu inatsit naapertorlugu, Kalaallit Nunaannut imminut naalagaaffittut oqartussaaffigilernissaanut isumaqatigiissut qagugu, Inatsisartut akuersissuteqarnissaat siunertaralugu Inatsisartunut agguanneqartussat saqqummiussaqaarnissaanut, piffissaritinneqartussamut missiuteqarnissamut Naalackersuisut peqquneqarnissaat Inatsisartut aalajangiiffigisassaattut siunnersuut.

(Inatsisartunut ilaasortaq Pele Broberg, Naleraq)

Akissuteqaat

(Naalackersuisut Siulittaasuat Jens-Frederik Nielsen)

Siullermeerneqarnera

Pele Broberg Inatsisartut aalajangiiffigisassaattut siunnersuuteqarneranut Naalackersuisunit qutsavigaarput.

Matumani aalajangiiffigisassatut siunnersuuteqartoq kissaateqarpoq, Inatsisartut akuersissuteqarnissaat siunertaralugu Kalaallit Nunaata naalagaaffittut imminut oqartussaaffigilernissaanut isumaqatigiissutissamut piffissarititassatut missingiummik Naalackersuisut saqqummiussinissaannut peqquneqassasut.

Siunnersuuteqartup ilaatigut tunngavilersuutigai, inuiaat kalaallit nunaminni oqartussaaffeqalernissaminnik kissaateqarnerat partiit tamarmiusut arlaatigut isumaqatigalugu oqaatigisaraat, aammalu Kalaallit Nunaata namminersulerluni naalagaaffinngornissaanut politikikkut anguniagaqarneq Inatsisartuni partiit amerlanerussuteqangaatsiartut pisortatigoortumik isumaqatigisaraat.

Siunnersuuteqartup aamma eqqaavaa, ingerlatsivinni suugaluartuniluunniit aqutsilluarniartuusut anguniakkamut missingiummik piffissaliussaqaartartut. Tamatumani nunatsinni mittarfissualiornerit assersuutigalugit siunnersuuteqartoq inernilivoq, anguniakkanik piviusunngortitsiniartilluni missingiummik piffissaliussisarneq piunasaqaataasinnaasartuq.

Kalaallit Nunaata namminiilivilluni imminut oqartussaaffigilernissaanut piffissaritinneqartussamik missingiuteqarneq mittarfissualiornermut piffissaritinneqartussamik missingiuteqarnissamut assersuunneqarsinnaangilaq.

Naalackersuisut naalackersuisoqatigiinnissamik isumaqatigiissutaanni erseqqissumik aalajangersarneqarpoq, namminiilivinnissamut tunngatillugu mianersortumik ingerlassasugut, inuiaqatigiillu sulinerlut akuutinneqarnissaat pingaaruteqartoq. Taamaaliornikkut innuttaasunik toqqammaveqanngitsunik aalajangiisoqaqqunagu. Naalackersuisoqatigiinni kissaatigaarput, namminiilivinnissatsinnut nammineq sukkassuserput nammilerlu atukkavut aallaavigalugit ingerlassasugut.

Taamaammallu Inatsisartut kissaataat naapertorlugu § 21-Isumalioqatigiissitap nanginnissaa suliaminillu naammassinninnissaa Naalackersuisoqatigiinni qulakkeerusupparput.

§ 21-Isumalioqatigiissitaq ukioq manna marsip 18-iani sulilerpoq, pingaarnertullu suliassaraa, Kalaallit Nunaata namminiilivinnissaa pitsaanerpaamik anguniarlugu aammalu nunat tamalaat akornanni pissutsit atuuttut tunngavigalugit qanoq aqquutissiuussisinnaanersugut.

Aap, anguniakkanik annertuunik piviusunngortitsinniarnermi piffissaliussatut missingiuteqarnissaq pitsaasarpog. § 21-Isumalioqatigiissitap Kalaallit Nunaata namminiilivinnissaanut taamalu Kalaallit Nunaata imminut oqartussaaffigineqalernissaanut periarfissiinissamut tunngasunik pingaarutilinnik suliaqarnissaanut Inatsisartut, Inatsiseqarnermut ataatsimiititaliaq aamma Naalakkersuisut ukiumik ataatsimik piffissaliipput.

Taamaammallu Kalaallit Nunaata imminut oqartussaaffigilernissaanut aqquutissat imaannaanngitsut nalunaajarneqartussaapput.

Taamaammallu Kalaallit Nunaata naalagaaffittut imminut oqartussaaffigilernissaanut isumaqatigiissutissamut piffissarititassatut missingiummik Naalakkersuisut saqqummiussinissaannut peqquneqarnissaat Inatsisartut Naalakkersuisullu maannamut pilersaarutigeriigaannut qatangiiniarnerussaaq.

Taamaammallu Naalakkersuisut siunnersuutip itigartitsissutigineqarnissaa innersuussutigaat.